

CERTIFICACIÓN

Rosa Ana Prada Queipo, secretaria xeral do Concello de Ames (A Coruña)

CERTIFICO: Que a Xunta de Goberno Local, en sesión ordinaria celebrada o día 14 de setembro de 2023, adoptou, entre outros, o acordo que copiado é do teor literal seguinte:

PUNTO TERCEIRO. APROBACIÓN DAS BASES DA VI EDICIÓN DO PREMIO LINGUA E EMPRESA DO CONCELLO DE AMES. EXPEDIENTE GD 11589/2023.

Figura no expediente informe proposta de bases da VI Edición do Premio Lingua e Empresa do Concello de Ames asinado polo concelleiro de Normalización lingüística e a técnica do servizo.

Figura no expediente informe favorable conxunto da Secretaría e Intervención (Informe A208/2023 do 11.09.2023)

Por todo o exposto, a Xunta de Goberno Local, por unanimidade dos seus membros presentes, previa delegación da Alcaldía (decreto 1983/2023, BOP nº 120 do 26.06.2023), adopta os seguintes acordos:

Primeiro. Aprobar as bases da VI Edición do Premio Lingua e Empresa do Concello de Ames, que figuran como anexo deste acordo.

Segundo. Aprobar o gasto por importe de 3.000 euros, con cargo á aplicación orzamentaria 3343.481.04 do orzamento municipal vixente.

Terceiro. Publicar as bases aprobadas na páxina web do Concello de Ames e o extracto das mesmas no BOP e na Base de Datos Nacional de Subvencións (BDNS).

Cuarto. Dar traslado deste acordos aos departamentos municipais afectados aos efectos oportunos.

Quinto. Facultar ao alcalde do Concello de Ames para cantas actuacións de trámite sexan precisas para a mellor execución do acordado.

ANEXO

Concellería	Normalización Lingüística
Anualidade	2023
Denominación	VI Premio Lingua e Empresa
Beneficiarios	Empresas que teñan a súa sede social ou un centro de actividade no Concello de Ames.
Aplicación orzamentaria	3343.48104
Importe da convocatoria	3.000,00 €
Categorías	2 categorías

Importe dos premios	<i>Dous premios de 1.500 euros cada un (poderán outorgarse premios ex aequo se así o decide o Xurado)</i>
----------------------------	---

VI EDICIÓN DO PREMIO LINGUA E EMPRESA DO CONCELLO DE AMES

BASES

Primeira.- Obxectivos

A convocatoria do Premio Lingua e Empresa do Concello de Ames ten como finalidade promover o uso da lingua galega na actividade económica do Concello de Ames, concretamente na actividade empresarial, e recoñecer publicamente a contribución ao aumento e mellora do uso social do galego desde este sector.

Segunda.- Destinatarios/as

Poderán optar a este premio todas as empresas que teñan a súa sede social ou un centro de actividade no Concello de Ames.

Terceira.- Méritos que se valoran

Valorarase o uso da lingua galega na actividade empresarial en todo o que teña que ver coa comunicación externa ou interna, tanto oralmente como por escrito.

Tamén se terá en conta o impacto que a actividade empresarial poida ter en sectores especialmente relevantes para o proceso de normalización lingüística.

En concreto, terase en conta o seguinte:

A. Comunicación externa ou relacional

- Páxina web da empresa, se a tivese.
- Redes sociais da empresa, se as tivese
- Sinalética e comunicación do establecemento empresarial
- Campañas publicitarias ou materiais promocionais en calquera soporte
- Uso habitual do galego nas súas actividades e nos seus servizos
- Atención á clientela e ao público en xeral
- Calquera outro mérito que a empresa queira salientar

B. Comunicación interna ou de xestión

- Comunicación interna co persoal ou entre os diferentes departamentos, se os houbese.
- Existencia de normas de usos lingüísticos que fomenten o uso do galego e a diversidade lingüística.
- Calquera outro mérito que a empresa queira salientar

Para a comprobación destes méritos, as empresas candidatas deberán indicar os enlaces de información correspondentes ou achegar materiais impresos. Ademais, facilitaranlle ao Concello de Ames toda a información que se lles requira sobre os usos lingüísticos na súa comunicación externa ou interna ou sobre a veracidade dos datos achegados na candidatura.

Cuarta.- Premio e categorías

O premio Lingua e Empresa do Concello de Ames terá unha dotación económica de 3.000€, 1.500 € en cada unha das categorías, ademais dunha campaña de difusión das empresas gañadoras na Radio Municipal de Ames. Se o xurado o considera oportuno, os premios poderán outorgarse ex aequo.

Para poder optar ao premio, as empresas deberán estar ao corrente nas obrigas tributarias coa Seguridade Social e co Concello de Ames.

O premio divídese en dúas categorías:

A. Uso consolidado da lingua: empresas que veñen realizando un uso estable e continuado da lingua galega desde

DATA DE SINATURA: HASH DO CERTIFICADO:
14/09/2023 DCAFO8587B6280B37A145073275F726E60DDB4CA
14/09/2023 OFD2C3776C7B204298B5CEEED0905C386F2BBDE1

POSTO DE TRABALLO:
Secretaría
Alcalde

NOME:
PRADA QUEIPO, ROSA ANA
GARCIA PIÑERO, JOSE BLAS

Asinado Dixitalmente no Concello de Ames - https://sede.concellodeames.gal - Código Seguro de Verificación: 15220IDOC272CD4D35B000B248BA

hai máis de dous anos (anterior ao 01/09/2021).

B. Nova incorporación da lingua: empresas que se crearon nos últimos dous anos ou que incorporaron o galego na súa actividade dentro dese mesmo período (desde o 01/09/2021)

* As empresas que mudaron os seus usos lingüísticos para incorporar o galego deben acreditar os ditos cambios.

A resolución do premio coñecerase na Gala Lingua e Empresa o xoves, 9 de novembro de 2023 na Casa da Cultura do Milladoiro e posteriormente publicarase na páxina web municipal

As empresas premiadas poderán mencionar na súa comunicación a obtención desta distinción e mesmo incluíla na súa publicidade ou papelería.

Quinta.- Prazo e forma de presentación de candidaturas

O prazo de presentación de candidaturas comezará o día seguinte da publicación desta convocatoria no Boletín Oficial da Provincia e rematará o **26 de outubro de 2023 ás 14.00 h**

Para participar, as empresas interesadas deberán achegar debidamente cuberta e asinada a FICHA DE PARTICIPACIÓN DO PREMIO LINGUA E EMPRESA xunto coa documentación, indicada na propia ficha, que acredite os méritos alegados. Esta ficha pode solicitarse no correo normalizacion@concellodeames.gal ou descargala da web municipal www.concellodeames.gal

A documentación pode presentarse de xeito telemático a través da sede electrónica do Concello de Ames (sede.concellodeames.gal) ou a través do correo electrónico normalizacion@concellodeames.gal

Sexta.- Xurado

O xurado estará formado por tres persoas, unha representante das empresas premiadas na edición anterior, outra da Asociación de Consumidores e outra especialista en normalización lingüística. Ademais, incorporará un secretario ou secretaria, con voz e sen voto, en representación do Concello de Ames.

A súa composición publicarase con antelación á emisión do ditame e será fixada pola Alcaldía, segundo a proposta da área de Normalización Lingüística municipal. A decisión do xurado será inapelable.

Sétima.- Publicidade

Estas bases publicaranse no Boletín Oficial da Provincia da Coruña, mediante o extracto remitido pola Base de Datos Nacional de Subvencións (BDNS) e na páxina web municipal do Concello de Ames.

Todas as publicacións, relacionadas co premio, posteriores á publicación destas bases realizaranse na páxina web municipal.

Oitava.- Aceptación das bases e autorización en canto á protección de datos

A presentación de candidatura ao premio implica a aceptación total destas bases.

As empresas participantes na convocatoria autorizan expresamente ao Concello de Ames ao uso da imaxe e dos datos achegados para os efectos de difusión deste premio.

De conformidade co Regulamento xeral de protección de datos 2016/679 do Parlamento Europeo, do 27 de abril de 2016, e da Lei orgánica 3/2018, do 5 de decembro, de protección de datos persoais e garantía dos dereitos dixitais, os datos persoais obtidos serán incorporados a un ficheiro responsabilidade do Concello de Ames cuxa finalidade é a xestión do presente premio. Poderanse exercer os dereitos de acceso, rectificación, limitación do tratamento ou calquera outro establecido na normativa vixente mediante un escrito dirixido ao Concello de Ames.

E para que conste, para os efectos oportunos, expido a presente co visto e praxe do alcalde, en Ames, a 14.09.2023, e coa advertencia de que non foi aprobada aínda a acta da sesión correspondente.

Vº e praxe

O alcalde

José Blas García Piñeiro

A secretaria

Rosa Ana Prada Queipo